

遂溪縣志卷十九

遂溪縣志卷之九

列傳

傳始於左氏或事以人傳或人以事傳讀其傳而  
事蹟詳焉即人品亦著焉至史遷作記則綜其人  
之平生為之立傳此列傳所自昉也遂邑山川清  
淑代毓名流處為純儒出為循吏立朝仰其風采  
居鄉奉為典型先正芳徽足令來者聞而興起凡  
邑中忠孝節義德業文章其卓越表著者概編為  
列傳各紀其實以著其樹立不朽之由郡志前志  
所載仍之茲所增輯要必確訪輿論之公不敢稍

遂溪縣志

卷之九

列傳

參毀譽云志列傳

列傳志

唐

陳文玉烏卵村人世傳陳大建中其家出獵得巨  
卵異之歸置諸庭雷震卵坼得一男子即文玉也  
生而明敏長涉獵書傳唐貞觀舊志作陳大建時辟茂才  
仕本州刺史精察吏治巡訪境內甦民疾苦懷集  
峒落諸酋相繼輸欵厥後鄉人立廟塑像以祀之

宋

紀應炎下步人少讀書於湖光巖嘉熙二年登二



甲進士初試澄邁主簿有以白金饋者潛置米中  
覺卽遣還之募民塞海港成田千餘畝入學贍士  
後宰南海與經畧冷覺齋不合自書桃符云三年  
南海清心坐一任東君冷眼看經畧竟服其介有  
富民觸法賄其婿以請應炎不許竟寘於法祀鄉  
賢

元

孫希武字立夫由儒士爲賓州判歷宰臨桂賀縣  
所至有聲守己廉潔生平言行謹篤賓陽獠蠻梗  
化官司莫之能制希武勸招之翕然歸附

遂溪縣志

卷之九

列傳

二

吳正卿字素臣由化州路學錄赴湖廣丁巳鄉試  
後期授平湖書院山長歷任至南寧知軍所至絕  
干謁民有遺思俸入事親有餘則周黨里之急家  
無餘羨元統間爲合浦臨桂尹海北廣西兩院交  
薦其剡畧曰人才國家之元氣風紀之耳目必元  
氣充而耳目明斯國家隆而風紀振正卿宜擢居  
風憲秩滿封其父朝進如其官時年八十一里人  
賀以詩云未饒官貴文章貴不獨親榮閭里榮青  
史舊書吳大守素臣新傳左邱明正卿致政時已  
得聾疾副使盧嗣宗以賓禮延至郡學咨以利病

置灰盤中從容手書與語竟日名重當時  
明

吳宗直性敏慧通羣書工筆札尤長於詩建文己  
卯中南京鄉試官至禮部郎中藻思華然朝中重  
之祀鄉賢見一統志

陳貞豫字奮揚溫良鄉人領永樂乙酉科鄉薦歷  
官監察御史持憲體有廉潔聲人不敢干以私奏  
建橫山堡遂溪石城咸賴奠安祀鄉賢並祀賓興  
祠

王吉號石揚黃畧村人由太學生任温州府通判

遂溪縣志

卷之九

列傳

三

陞柳州府同知恤民捍患卓有惠政民立生祠事  
之尋擢延平知府陞湖廣右參議未任致仕祀鄉  
賢見一統志並祀賓興祠

彭暝雲脚村人領永樂癸卯鄉薦任南安府推官  
宅心寬恕有長者風民咸愛之秩滿陞南京刑部  
員外致仕歸奉詔進階郎中祀鄉賢

洪彪蘆山村人由歲貢任長汀縣丞事上恪謹御  
下精明察物而吏不能隱執法而民不敢犯清軍  
儲絕羨餘恪共乃職民有冰壺秋月之頌因解糧  
誑誤里老赴闕乞留允之

洪有成蘆山村人行誼端方博覽書史中萬厯甲午鄉試副榜由歲貢任浙江湯溪訓導轉吳川教諭諸生勤課之外毫無染指時巡按特加旌獎有盤惟苜蓿之稱及歸行李蕭然吳人士至今思慕之

謝嘉言少喜讀書受業於其師洪有成以恩選任四川岳池知縣治聲卓溢爲時所重比歸逍遙里門不改布衣之樂每府縣鄉飲必賓而禮之林汝聽卜巢村人由歲貢任湖廣武昌縣丞發奸摘伏却餽送絕引援有孔姑臧之風繼擢廣西南

遂溪縣志

卷之九

列傳

四

宐府衛經致政居家十年潔己端莊不衣冠不見子弟雖鄉黨素親狎者接之如賓客朔望齋居正容有天顏咫尺之思居鄉若朝廷焉

陳王猷仙鳳村人篤厚嗜學由歲貢任南雄府訓導課士有方淡薄自持諸生中有貧乏者分俸以濟歸卒於道士子哀之長子其義中萬厯乙卯鄉試孫大用應順治八年恩選大覲以歲薦任三水訓導皆克繼先志焉

洪化龍蘆山人郡庠生性溫厚而課督子弟尤謹事父母以孝順聞處里黨以長者稱時鄰鄉有借

貸者與之不問其償崇禎壬申歲闔邑製錦表其世德癸未歲縣尹朱盛渥辟薦優行知府王允康特嘉獎勵子泮洙中崇禎壬午舉人

國朝順治戊戌進士任休寧知縣泮泗應順治十一年歲貢

徐日省泰昌恩選端方嚴正言笑不苟獨居齋室未嘗不冠服文學行儀為邑所推重

陳大成由歲貢授曲江訓導遷廣西隆安教諭賦性倜儻不干世利課士之外澹然一無所與弟子貧者咸分俸以濟之時曲江有桃李公門之稱歸

遂溪縣志

卷之九

列傳

五

家囊中如洗悠然自怡邑人仰其高風云

彭鈺字席之田墩人明敏博學為諸生教授高雷之蔚起者多出其門著作甚富有四書內說尚書

解義讀史鑒法諸書恬靜淵默温和簡易學者稱為巢雲先生祀鄉賢祠

據通志增人

陳其峩仙鳳村人萬曆乙卯舉人篤學潛修著有尚書註解性至孝父王猷為南雄府訓導卒於官扶櫬歸家哀毀骨立名聞一邑考選知州未仕而

終祀賓興祠

張守禮鍾靈子鍾靈故時妻陳氏年十九遺腹生

守禮勵志孀居撫養成立守禮性行肫篤孝謹備至鄰里間僉稱爲張孝子隆慶初具聞於官獎陳氏之節復給守禮冠帶陳氏卒時一百一歲守禮亦年踰八十矣按院致賻助葬事守禮亦事事無愆於禮尋卒鄉人祀其主於忠義孝弟祠

國朝

王工字代侯歲貢生少敦善行能文每試輒冠多士時以大任期之棘圍不遇歸授生徒珠池星嶺斷斷如也晚年益甘淡薄邑人欽其風範

洪泮洙字獻統號垂萬化龍子順治戊戌進士任

遂溪縣志

卷之九

列傳

六

福建休寧縣知縣嘗與海康陳瓚講舉業贈瓚詩有歲序頻催前輩老江山留待少年雄之句其期許於瓚者甚篤與瓚倡修海堤環海田廬永利賴焉任休寧政尙寬簡然事係風教雖強禦必力摧之有豪奴告其主虛實尙待鞫問泮洙以爲敗常亂俗不可長且律凡得相容隱者相告言如罪人身白首法毅然置奴於獄處如例休人頌之性嗜學解組後猶手不釋書舊郡縣志皆其手纂也

國朝郡人登甲科自泮洙始祀賓興祠

何茂荷雍正己酉科舉人性行整飭尤宏獎後學

東海學者自鄉薦以下皆其門下也社里仰其德行勒碑義學以表揚之

周文珍雍正己酉拔貢賦性嚴毅爲學以戒欺求慊爲繁關第一義常時不釋衣冠非禮不出諸口自公事外長官前未嘗一投刺也爲遂良山長督率諸生以身心性命之學制義一宗先正理法無取繁縟兼精醫有病者予以方往往見效然從無受謝與人談從不及岐黃家言

蔡位卿樸節碌裡村人雍正壬子舉人家故貧舌耕爲業常設教於雷陽遂良兩書院教法嚴正非

遂溪縣志

卷之九

列傳

七

公事不見官長鄉里重之選東莞教諭未任而卒王錫扁乾隆辛酉舉人錫扁爲諸生時稔知東場鹽戶竈丁久爲商人所苦乾隆二十二年乃具疾苦狀聞之府縣並省垣大吏今本場鹽聽民自煮自賣照例完納課餉錫扁之惠也

李林恢山尾村人乾隆辛酉舉人家故貧然有餽遺輒辭不受其事寡母必先意承志菽水之供恬如也工文藻所作時藝一時傳誦之而生平絕不爲人倩代時府縣試問有傳遞之弊能文者偶一爲之惟林恢則雖至親重賄不能得其隻字嘗謂



事蔡位卿位卿卒爲製義服服之終三年心喪與人言學未嘗不師稱也生平耳目無非禮之視聽至今學者仰之

謝朝輔字位左由歲貢任和平訓導在官凡七年與諸生講論無虛日紳士慕其學行及告歸刻石以比甘棠之愛

陳正仙鳳村人歲貢生持躬謹肅訓迪生徒卓有師範以故從遊者眾居家清苦未嘗馳情聲利蓋鄉里中自好者也

林璿字在理庠生少失怙母患乳瘡旣潰延十餘年常爲吮之凡有污穢必躬親洗濯母沒後每逢生辰輒哀慕無已終日屏食至今談者猶稱其行以相勸勉云

鄭林平石人歲貢生任合浦訓導好學疎財請貸者輒與之不問償時稱忠厚長者官合浦時自作堂聯云近聖人之居三間不嫌其陋受明王之福一命亦思厥艱可想見其風裁之峻整也

彭翰魁邁泗村人海康籍歲貢生性儻家貧不具饘粥忻如也以舌耕餬口終歲所得修金遇窮不能自贍者推以與之無吝色鄉里至今猶言之

阮桂馨由歲貢任始興訓導爲諸生時長官卽知其學行邑有遂良書院故事非鄉歲薦不得主講席至是桂馨爲山長周旋長官間數年未嘗以一事干謁益重之兼通畫理解組歸惟以畫梅自娛至今猶傳阮公梅云

陳蕃華字翰人號烏岡大村人由歲貢任揭陽訓導力敦本行勤於督課修費有無從不問及解組歸時一肩行李見之者以爲諸生負笈行也前朝葉廣文因亂避居其地與蕃華父交好後爲石邑羣小所害蕃華父慟之命蕃華每遇忌日設祭蕃

遂溪縣志

卷之九

列傳

九

華行之沒世不改其古處又有如此者

陳國安字居之號靜菴實榮村人由歲貢任長寧訓導性和藹善氣睟然尤篤於同氣之誼與其弟朝夕游處至白首未嘗一言相齟齬官長寧時諸生崇以絳帳春風之額秩滿歸家長寧縣令胡國綱作詩送行有清標百代欽無斃教澤千年頌未休之句可想見其風範也

黃家棟字拔材由歲貢任從化訓導性孝謹庶母陳舉三子矣偶不得於女君父疾之甚幾不能容時家棟年十七泣諫之請處別室朝夕往視數年

無間怡色婉容以致詞於父母者亦數年無間父母感其誠復與陳同居相得父沒後教誨諸弟友愛無異同胞所遺田園並讓其兄及弟自以教讀爲業邑人至今言家政者必及之

楊翁歲貢生生平好義舉每遇歲歉輒竭力出賑乾隆三年知府王鐸具列其事報優行扁其門好義可風選高明訓導未任而卒

以上前志

李實發字收圃號長亭自少家貧力學樹藝養親旋遊泮食餼膺乾隆癸酉科鄉薦主遂良講席訓迪生徒諄諄以德行文藝交修爲勗辛巳隨師王

遂溪縣志

卷之九

列傳

十

錫扁應春闈試後出京數日師疾實發典衣具親侍湯藥未幾師故時囊橐盡罄卑禮懇旅店讓棺殯殮沿途乞貸艱苦備嘗扶襯旋里人稱其待師之誠真不愧人生有三事之如一也後任順德教諭陞廉州府學教授所至厚培人才士林愛戴年八十六卒於官諸生捐貲隨棺至遂送葬欽州馮魚山誄之備誌廉士永懷教澤云

黃炳字文峯世居城內敦行孝友英敏嗜學年二十六領乾隆乙卯鄉薦後膺挑典以知縣用分發廣西授興業縣知縣歷署博白貴縣興安武緣羅

城各縣事廉介愛民所至俱著循聲時百色邊境多盜案前任數官俱揭參留緝大吏重炳才因委署百色同知數月賊黨盡獲百姓安恬前官免累上憲嘉其能將錄功陞擢炳旋因病卒於官囊橐蕭然僚友賻助始克歸葬民懷遺愛稱其清操始終不渝云

梁洸國字用甫號礪山增貢生梁廷拔子年十六遊泮穎悟嗜學制藝提要鉤元戛戛獨造壯歲領乾隆乙卯鄉薦事親篤孝母壽踰百齡晨夕侍養洸國皆必躬親年踰六旬依依孺慕時奉文截選

遂溪縣志

卷之九

列傳

十一

告終養不仕晉授國子監監丞職銜素性端嚴人有染惡習者恒畏憚不敢見其面而啟迪後進周詳不倦居邑北門外動履以禮法自閑非公不至官署中不輕投一刺也遠近欽儀式焉壽年八十有三

楊晃岱字東屏居夏廣村自少聰慧博覽羣籍爲文捷而工素勵廉隅場中雖重賄不能得其隻字道光壬午中副車丁酉領魁薦平生嚴氣正性人有不善不敢與之聞知而過人困乏常行賙恤雷陽書院舊規必孝廉以上方可主講適有越分圖

此席者岱力持公議排阻後復念其人老貧難以  
自給因出己金二百托舊好之書相餽以令其可  
受其輕財重義類如此士林咸敬之

貞節

婦人之義從一而終其舉案齊眉如賓相敬宜家宜室淑範揚庥者此閨閫所願處之順境也不幸而青年喪偶黃鵠興悲矢死靡他古井之波瀾不起食貧徂爾空山之荼蓼偏甘卒能孝事尊嫜慈育嗣子宗祧有託體遺志以慰所天節以苦而彌貞遇雖艱而不變洵屬坤維正氣允宜彤管流徽上聞於

朝例得褒榮綽楔此固邑乘所必詳也志貞節

貞節志

遂溪縣志

卷之九

明

教諭陳衡妻謝氏年方二十餘夫故誓不再嫁節操無玷洪武十九年奏旌其門

諸生程明德妻彭氏年十九夫故哀毀骨立居喪以禮事姑至孝姑憫其早寡屢勸再適彭屏食以死自矢嘉靖二十八年坊表其閭

生員陳一德妻黃氏年二十一夫故無嗣矢志守貞終始靡渝鄉里以聞旌之扁額

張謙妻賀氏中和女年二十五夫故遺腹五閱月舉一子時流賊壓境賀遭窘迫眾勸其改適賀誓

不二心孝事舅姑老而愈篤遺腹之子璉娶婦陳氏年二十六而璉亦故門祚衰零陳孀守與賀無異一門雙節尤爲罕覯云

張鍾靈妻陳氏年十九夫故遺腹子曰守禮孀居守節至老不渝隆慶戊辰撫按司道給獎壽一百一歲卒巡按嘉其節而助之葬守禮事母以孝聞按院龔給冠帶以褒之

生員臧觀義妻莫氏年二十一夫故遺腹子曰自新孀居守節撫孤成立萬曆十五年巡按蔡夢說提學郭子直覈實獎之卒年七十

遂溪縣志

卷之九

貞節

國朝

庠生王永霖妻梁氏居黃畧村年二十四夫故矢志守節事姑及少姑克謹二子長承基庠生卒年六十雍正十一年旌表

武生黎元煜妻林氏居符竹村年二十夫故無子堅節自持事髦姑撫夫兄之子爲嗣乾隆十年旌表

廩生陳峴妻梁氏居陳村年二十四峴赴鄉試卒於旅次氏苦志自守終事君舅卒年五十四乾隆十二年旌表

黃常豔妻梁氏居邁龍村年二十五夫故一子鴻  
謨氏守節撫育長娶王氏生一子鴻謨又亡王年  
二十八與姑同守梁卒年五十三王卒年八十七  
乾隆十二年姑媳同旌表

陳賡謨妻周氏居調豐村年二十四夫故茹苦守  
志奉養舅姑子統監生乾隆十三年旌表

陳顯斯妻周氏年二十三夫故家貧守節事  
子乾隆十三年旌表

林鼎媚妻黃氏居體村年二十四夫

勁節事姑惟謹子一乾隆十四年

遂溪縣志

卷之九

貞節

增生鄭際盛妻阮氏居譚祿村年

子二冰操自矢卒年六十二乾

乾元伯妻陳氏居乾家山村

守節事親撫孤紡績以供女

年詳准建扁

監生梁特精妻陳氏居

子勵志孀守善事髦姑

詳准建扁

洪紹武妻陳氏居蘆山村年二十三

遺腹子事舅姑恪終其養子德星授職縣



卒年七十嘉慶二年旌表

陳焯妻鄭氏居陳村年二十四夫故矢志守節姑鞠子子睦晉廩生嘉慶五年旌表

陳焯妻林氏居雙溝村年二十二歸焯

故無子守節撫夫兄之子監生

年旌表

鄭其綱妻龐氏居平石

任庠生嘉慶十三年知縣

黃雲妻吳氏居邁龍村年一

家貧無子守節事姑撫夫堂

遂溪縣志

卷之九

貞節

年旌表

蘇大選妻方氏居赤幟村年二

守有強委禽者氏不從誣以悔

士琦廉其實扁以獎曰節高

二十八

周廷佐妻洪氏居那仙村年二十八夫故守節事

姑無子撫夫兄子監生汝楫爲嗣卒年四十二

彭國章妻陳氏居舊縣村年二十四夫故無子食

貧守節爲夫立後卒年四十二時附身無資宗族

哀其節而賻葬之

林振勳妻洪氏居卜巢村年二十四夫故一子尋

亦亡家貧守志苦節四十餘年而卒宗族重其操立主家祠祀之

林善理妻唐氏居體村年二十七夫故無子潔志孀居事姑惟謹爲夫立後卒年五十六

監生孫王佐妻彭氏居臨海年二十九夫故無子勁節自守以夫姪授職從九瑩祖爲嗣卒年七十七

廩生陳謨妻彭氏居塘北村年二十夫故無子守節撫之尋二子復相繼而亡伶仃孤

勵卒年七十

遂溪縣志

卷之九

貞節

五

洪紹祚妻曾氏居蘆山村年二十九夫故無子矢

志孀守撫夫姪爲後卒年六十六

梁都華妻林氏居白桔仔村年二十四夫故無子

堅貞自守終養舅姑以夫姪承祀卒年七十二

陳有棟妻蘇氏居藤送南村年二十七夫故遺一

子堅貞自矢其子世芳長娶鄒氏年二十四而世

芳故芳子繼蒲娶曾氏年二十五繼蒲又故三世

孀居皆能完節蘇卒年六十鄒卒年六十一曾卒

年六十七

陳邦喬妻楊氏居西僚村年二十四夫故無子家

貧守節撫夫嫡姪爲嗣卒年八十二

馮正中妻楊氏居邁泗洋村年二十六夫故嫠守苦節一子復殤撫夫兄之孫以繼其嗣

陳有傑妻李氏居麒麟山村年二十九夫亡一子日昇娶宋氏年二十五日昇又亡姑媳同守李卒年七十宋卒年五十六

陳爾中妻洪氏居暢墩村年二十八夫故無子矢志堅貞善事髦姑撫夫兄子爲嗣卒年六十二

盧廷彌妻戴氏居東岸村年二十四夫故無子矢志嫠守終事舅姑克盡婦道撫夫姪爲嗣卒年九

遂溪縣志

卷之九 貞節

六

十三

林夢日妻蔡氏居榜山村年二十四夫故無子清操彌勵卒年七十一

陳紹亨妻彭氏居北月村年二十一夫故無子矢志孀居事親孝謹撫夫姪以繼祀卒年八十八

陳主珠妻彭氏居蓬萊村年二十八夫故無子甘貧守節紡績自供撫夫姪爲嗣卒年七十

李春實妻張氏居洪家村年二十六夫故無子矢志守義撫夫弟子武生廷香爲嗣卒年七十八

王仁纜妻陳氏居北山村年二十三舉一子而夫

故勵志孀居卒年八十四

陳允珍妻吳氏居文章村年二十六夫故潔操自持卒年七十九

吳攀星妻洪氏居處井村年二十七夫亡守節卒年八十八

梁煜妻程氏居田體村年二十五夫故食貧守節謹事舅姑卒年五十四

薛定都妻潘氏住居梅村年二十七夫故勵志孀居操行不改卒年五十一

陳爾振妻洪氏居仙鳳村年二十六夫故遺一子

遂溪縣志

卷之九

貞節

七

守節撫育善事舅姑卒年五十九

洪元浩妻黃氏居邁奏村年二十二夫故遺子一  
鰲守鞠育謹事舅姑卒年七十六

陳鴻書妻楊氏居造甲村年二十二夫故矢志堅守侍養舅姑子子建授職從九氏卒年六十九

黃元煌妻張氏居小山村年二十四夫故清節自勵足不踰閩卒年七十七

李景光妻謝氏居蝦溝村年二十九夫故有子二  
氏矢志孀守撫孤成立卒年七十八

周士正妻陳氏居土札村年二十八夫故一子隨

亡斗室蕭然茹苦自守擇繼立後卒年七十六  
馮廷彬妻彭氏居祿京村年二十四夫故無子守  
節事姑撫夫弟子武生紹武爲嗣卒年五十八  
陳洪經妻黎氏居雙溝村年二十八夫故無子守  
志不渝撫夫兄子爲嗣卒年四十八  
黃定四妻王氏居邁龍村年二十九夫故無子  
孀守終節撫夫從弟之子爲嗣卒年五十五  
周昌璧妻唐氏居上札村年二十四夫故立志養  
守子一氏卒年七十五

黃之純妻周氏居蘇二村年二十二夫故一子氏

守節撫育終養舅姑卒年八十一

周如海妻梁氏居土札村年二十九夫故甘貧守  
節子三卒年五十五

林景樞妻李氏居蘆荻坑村年二十七景樞溺於  
海長子在抱次子遺腹甘貧守節紡績拮据撫孤  
長成卒年六十四

彭國泰妻陳氏居外坡村年二十九夫故子一氏  
堅志自守養孤成立卒年六十六

黃家玉妻陳氏居邁龍村年二十五夫故家貧無  
子撫夫族姪爲嗣終身完節卒年六十一

盧銘諭妻陳氏居東岸村年二十六夫故無子一  
意堅守善事舅姑擇繼爲嗣卒年七十九

庠生盧鍾華妻陳氏居東岸村年二十四夫故一  
子封髮自守奉養舅姑克盡婦職卒年八十

宋紹魁妻陳氏居楊青村年二十九夫故一子家  
貧守節卒年五十九

監生梁殿尹妻余氏居調塾村年二十七夫故守  
節事祖舅姑及姑惟謹子汝金拔貢生任貴州永  
從縣氏卒年七十二

全景芳妻彭氏居邁合村年二十六夫亡守節終  
事舅姑卒年六十

洪爾榮妻陳氏居南夏村年二十四夫故遺腹一  
子食貧守節勤女紅以事姑卒年六十

周爾光妻陳氏居官田村年二十二夫故家貧孀  
守子宏中娶唐氏生一子而宏中亡唐年二十與  
姑同守允稱苦節陳卒年五十六唐卒年五十五  
陳時華妻洪氏居仙岸村年二十七適時華九閱  
月而夫亡遺腹一子矢志孀居撫育成立敬事鬢  
翁翁卧病數年氏延醫以治親調湯藥從無倦色  
及卒祭葬如禮鄉里稱重氏卒年七十四

林時起妻陳氏居卜巢村年二十七夫故遺腹一子守節撫育事翁姑克謹子廷柱監生氏卒年八十六

林標林妻黃氏居卜巢村年二十九標林故子一氏矢志守節善事舅姑卒年七十

謝天錫妻李氏居四嶺村年二十四夫故長子在抱次子遺腹辛勤養育終身完節卒年五十七

林有章妻陳氏居湖北村年二十一夫故遺腹一子守志不渝事親惟謹卒年六十三

李世興妻蘇氏居高梅坡村年二十四夫故一子

遂溪縣志

卷之九

貞節

十

文陞聚媳甫生一孫而文陞又亡苦節孀居老而彌勵卒年七十

周昌茂妻楊氏居那仙村生三子年二十九夫故堅貞自守終事君舅子作新國琮國瑛俱監生氏

卒年六十一

程旺妻林氏居調豐村年二十四旺故家貧守節子三氏卒年五十九

陳賡泰妻王氏居調豐村年二十八夫故家貧守節子二氏卒年七十八

林廷拔妻楊氏居蘆荻坑村年二十六夫故一子

甫周歲氏痛夫內無期功之親翁姑年老矢志婦  
守仰事俯育卒年四十八

監生林生色妻王氏居蒲苧村年二十三夫亡守  
節子梓超監生氏卒年八十

張文義妻陳氏居卜札村年二十六夫故家貧守  
節辛勤操作終養君舅教育三子長錦雯廩生氏  
卒年七十

周廷邁妻戴氏居士札村年二十三夫故勵志守  
節事姑訓子不辭勞勩子元冕庠生氏卒年五十  
五

遂溪縣志

卷之九

貞節

十一

陳浩妻程氏居陳村年二十四夫故一子矢志孀  
居鞠子成立卒年五十

楊學尹妻張氏居塘邊村年二十五夫故堅貞自  
守事親課子俯仰無媿子二氏卒年八十

彭帝壽妻鄭氏居譚禮村年二十五夫故貞操不  
渝事親惟謹子一氏卒年七十四

授職縣丞洪麟妻黃氏居蘆山村年二十三夫故  
遺腹一子守節鞠育子紹烈監生氏卒年七十八

陳廷信妻黃氏居文章村年二十九夫故勵志接  
守一子天鐘監生氏卒年六十二



陳元慶妻梁氏居陳家村年二十六夫故一子矢志守節勤勞撫孤艱苦備嘗卒年六十二

陳國裔妻蘇氏居蔴覽坡村年二十三夫故孀守事姑鞠子成立卒年七十一

宋獻茲妻鄧氏居楊青村年二十七夫亡守節撫育孤子卒年七十七

彭廷端妻許氏居舊縣村年二十四夫亡守節子二氏卒年七十二

黃國璧妻王氏居坎造村年十九生子六月而夫故家貧守節辛勤撫字卒年五十六

遂溪縣志

卷之九

貞節

三

彭聯芳妻陳氏居邁典村年二十六夫故事翁姑撫孤兒終身全節卒年八十

陳爾算妻黃氏居仙鳳村年二十二夫故遺腹一子矢志撫育及長復亡遺三孫氏苦節彌勵卒年

八十一

韓明魁妻洪氏居韓家山村年二十八明魁故遺腹一子堅守貞操事親鞠子卒年七十六

楊鳳珠妻陳氏居南山村年二十四夫故遺腹一子勵志守節卒年五十二

陳紹福妻李氏居北月村年二十八夫亡守節子

一名經通氏卒年六十九

例貢生黃雲慶妻蘇氏居霞山村年二十六夫故守節撫子監生中柱成立卒年五十五

梁椿妻陳氏居寶滿村年二十八夫故守志孀居事親鞠子卒年八十九

梁天申妻陳氏居調塾村年二十三夫故守節遺腹一子士傑授職從九氏卒年六十二

劉有戌妻吳氏居深田村年二十九夫亡守節事親撫子卒年八十九

梁特椅妻黃氏居調塾村年二十七夫亡守節二

遂溪縣志

卷之九

貞節

三

子朝榮朝舉俱監生氏卒年七十八

監生曾紹宗妻黃氏居茂蓮村年二十六夫故矢志守節子二氏卒年五十六

陳穎華妻王氏居麻章村年二十三夫故家貧守節事姑撫子卒年七十四

謝振彝妻黃氏居謝家村年二十二夫故一子家貧矢志孀居艱難備嘗卒年五十七

梁特挺妻黃氏居調塾村年二十二夫故一子甫周歲守義撫養冰操不渝卒年七十

陳廷球妻戴氏居麻章村年二十八夫亡守節撫

育穉子卒年八十

吳世衍妻沈氏居堰頭坡村年二十四夫故子一  
廷旭甘貧守志備嘗艱辛卒年八十七

吳學守妻陳氏居南山村年二十九夫亡守節終  
事舅姑撫子文爵成立子卒撫孫監生世昭氏卒  
年七十九

陳維纘妻黃氏居北月村年二十六夫故堅節自  
持事舅姑撫孤子卒年八十

梁鳳臺妻陳氏居調塾村年二十四夫故清操自  
矢家貧子穉備極辛勤卒年七十

遂溪縣志

卷之九

貞節

十四

殷元球妻楊氏居殷屋村年二十五夫亡矢志守  
節撫育穉子卒年五十一

尤任偉妻林氏居赤崩塘村年二十三夫故守節  
教子子尙德監生氏卒年六十六

陳鼎妻蔡氏居吾良村年二十六夫亡守節卒年  
七十一

陳文運妻劉氏居吾良村年二十五夫亡守節卒  
年七十二

陳東球妻莫氏居錦盤村年二十五夫故矢志  
守一子復元監生氏卒年七十九

李常英妻胡氏居長田村年二十五夫亡甘貧守節子二卒年七十一

贈武信騎尉鄭邦光妻陳氏居桔仔樹村年二十一夫故勁節自守子克明瓊州把總氏卒年六十四

監生陳元璫妻宋氏居實榮村年二十八夫故清操自守子德彰武生氏卒年八十八

陳孔昭妻周氏居浩發村年二十七夫亡守節卒年七十四

陳宗賢妻祝氏居龍灣村年二十七夫亡守節卒

遂溪縣志

卷之九

貞節

五

年七十七

鄭廣志妻陳氏居僚客村年二十四夫亡守節事親鞠子卒年七十三

廩生陳際明妻周氏居陳家村年二十六夫故苦節自矢仰事俯育子大隆庠生氏卒年八十四

程維庸妻彭氏居程村年二十二夫故勵志堅守終養君姑子一氏卒年四十一

陳良藩妻曾氏居譚禮村年二十八夫故守節事親子二氏卒年五十八

陳可均妻李氏居英豪村年二十五夫故矢志孀

居家業凋零事親彌謹子一氏卒年八十五  
黎求妻沈氏居高陽村年二十五夫亡一子學海  
娶黃氏年二十三學海又亡子毓龍增生姑媳孀  
居皆能完節沈卒年六十六黃卒年八十一  
阮國瑚妻吳氏居五里村年二十五夫亡守節子  
二氏卒年六十八

阮國圭妻陳氏居五里村年二十八夫亡守節事  
姑子二氏卒年七十一  
吳王任妻陳氏居塘邊村年二十二夫故遺腹一  
子守節撫育卒年五十七

遂溪縣志

卷之九

貞節

六

阮際準妻陳氏居五里村年二十八夫故食貧守  
節子一氏卒年四十三

黃之訓妻李氏居蘇二村年二十五夫故勵志嫠  
守子一氏卒年五十五

周斯進妻黃氏居王村年二十九夫故甘貧守志  
終事舅姑子聖度授職從九品氏卒年四十九

洪毓流妻趙氏居土龍嶺村年二十七夫故家貧  
守節侍養舅姑子二長道中廩生氏卒年七十三  
宋居伸妻莫氏居楊青村年二十四夫亡守節子  
一氏卒年五十四

陳正捷妻沈氏居東海山頭村年二十八夫亡守節子三氏卒年八十三

庠生彭琦妻陳氏居譚禮村年二十二夫亡守節一子文峯武生氏卒年四十七

洗欽承妻余氏居東海洗處村年二十四夫亡家貧守節無子卒年五十八

陳士成妻程氏居暢侃村年二十二夫故無子家貧守節撫夫兄次子爲嗣卒年六十六

馮際敏妻梁氏居祿京村年二十八夫故家貧清操自守卒年六十四

遂溪縣志

卷之九

貞節

七

馮廷選妻梁氏居祿京村年二十九夫故家貧守節勤績自供卒年五十九

李王榜妻全氏居山內村年二十九夫故矢志孀守辛勤事親子二氏卒年七十九

庠生陳敬妻謝氏居西僚村歸敬一載年十九敬故苦節自矢無子撫夫堂兄子爲嗣卒年七十七

蔡若桂妻陳氏居仙來北村年二十八夫故家貧守節事祖母及君舅惟謹子二氏卒年六十八

廖廷拭妻吳氏居雙村年二十七夫故矢志守節一子序瓚監生氏卒年八十一

吳仁四妻陳氏居平余村年二十三夫故遺腹一子守節撫養卒年七十五

武生李必宜妻潘氏居山尾村年二十四夫故養居自守終養舅姑撫子長成卒年四十二

宋國瑄妻李氏居楊青村年二十二夫故遺一子守節撫養孀居六十載足不踰閭卒年八十二

宋紹泰妻何氏居楊青村年二十九夫故家貧守節子二氏卒年七十二

鄭士玉妻梁氏居平石村年三十夫亡守節子一氏卒年四十四

遂溪縣志

卷之九

貞節

文

蔡士豪妻卜氏居白桔仔村年二十七士豪故矢志守節二子長吉祥娶鄭氏年二十五舉一子吉祥又亡與姑同守卜卒年八十八鄭卒年六十九蘇大璠妻周氏居仙崙村年二十四大璠故勵志孀守長子恒輝娶梁氏年二十七恒輝又亡無子與姑同守周卒年八十二梁卒年七十八

陳瑞瓚妻符氏居東山村年二十九夫亡守節子一卒年八十六

王贊成妻鄧氏居龍舍村年二十九夫亡守節子

梁家秀妻黃氏居甘林村年二十九夫故家貧守節撫育孤子

林理開妻孫氏居漿塘村年二十四夫故遺腹一子矢志孀居

陳燭妻梁氏居雙溝村年二十八夫故家貧守節紡績撫孤

林應發妻歐氏居敦文村年二十六夫故守節鞠子

許學湯妻林氏居河北村年二十九夫故遺腹一子矢志孀守卒年六十七

遂溪縣志

卷之九 貞節

九

貢生宋紹晉妻黃氏居楊青村年二十七夫亡守節子二

鍾朝富妻袁氏居欖湛村年三十夫亡孀守子德彰授職千總

許君璽妻李氏居世橋村生一子年二十四夫故矢志養孤

梁大禮妻何氏居郎活村年二十九夫亡守節三子長維光監生次維明武生三維實監生氏卒年七十二

周廷魁妻林氏居土札村年二十九夫故食貧守



節事君舅與繼姑惟謹子一

符九平妻黃氏居城家村年二十八夫故食貧守節事親撫孤

陳開鼎妻鄭氏居后黎村年二十八夫亡守節事親撫子永興孫監生丕策氏卒年八十六

陳德重妻蔡氏居山奄村年二十九夫亡守節

榮禮妻郭氏居英里外社年二十三夫故遺一子家貧守節以力贍養及子長娶妻生孫尋子與孫俱卒伶仃困苦鄉閭憫之

蓬溪縣志

卷之九

貞節

三

阮文錦妻梁氏居五里村年三十夫故立志守節事姑惟謹子二

劉紹茂妻梁氏居深田村年二十八夫故勵志孀守事親撫孤

陳逢煜妻蘇氏居和昌村年二十八夫故無子家貧守節侍養舅姑立夫姪爲嗣

周廷陞妻洪氏居土札村年二十七夫故遺一子封髮守義食貧撫之

謝瓊烈妻吳氏居榜山村年二十五夫故潔操自持

王錫朋妻余氏居山北村年二十四夫故勵志孀居子二仁山監生

許學曾妻莫氏居河北村年二十九夫故守節撫養二子

黃若煜妻林氏居邁龍村年二十八夫故家貧守節終養舅姑子二

戴連燦妻陳氏居莊家村年二十八夫亡守節子一

陳瑞寶妻吳氏居東山村年二十九夫故孀守子一卒年九十四

遂溪縣志

卷之九

貞節

三

黃作仁妻陳氏居溫處村年三十夫故家貧守節侍養翁姑子一

何其仁妻黃氏居塘邊村年二十五夫亡苦志嫠居無子撫夫姪爲嗣

朱元冠妻孫氏居草蘇村年三十夫亡守節家貧事親克謹課子有方次子倬昌庠生

彭國安妻馮氏居外坡村年二十二夫故守節事姑

盧廷舉妻林氏居東岸村年二十二夫亡守節事翁鞠子

吳廷拔妻許氏居沙坡村年三十夫亡守節事翁姑撫幼子卒年六十四歲

陳致中妻蔡氏居文章村年三十夫故守節撫孤鄭昌儒妻蕭氏居平石村年二十二夫故矢志孀居無子

蕭圖貞妻周氏居豪郎村年二十六夫故貞操自守

陳文興妻梁氏居麻送南村年二十五夫故勵志堅守無子撫夫兄子爲嗣

周建位妻陳氏居博敬村年二十五夫故家貧守

遂溪縣志

卷之九

貞節

三

節無子卒年六十七

黃志廣妻梁氏居愛蓮村年三十夫故矢志嫠居子一

莊大慶妻曾氏居東山村年二十四夫故嫠居紡績足不踰閭子養心監生氏卒年七十八

黃玉皇妻楊氏居愛蓮村年二十八夫故潔操自矢子一

陳元璜妻全氏居陳家村年二十九夫故家貧守節勤織自供無子

庠生陳邦昌妻林氏居山頭村年二十六夫故茹

苦守節

黃鏞妻茅氏居蘇二村年二十四鏞故遺腹一子  
孀居撫育事髦姑克謹卒年七十二

翁仁養妻吳氏居大村年二十四夫亡守節子一

陳王培妻阮氏居調羅村年二十九夫故甘貧守

義子一

吳邦棧妻翁氏居龍水村年二十夫故封髮自守  
子二

陳元鰲妻彭氏居陳家村年二十五夫故冰霜自  
凜恪事翁姑色養罔間子嘉修貢生

遂溪縣志

卷之九

貞節

三

陳英物妻林氏居浩發村年二十八夫故矢志守  
節課子不懈二子長騰芬增生次騰芳監生氏卒  
年八十

黃香如妻梁氏居邁龍村年二十五夫故矢志孀  
居事姑惟謹子履正職府知事

盧志道妻余氏居東岸村年二十一夫故遺腹一  
子以節自矢事親鞠子

程士成妻陳氏居調豐村年二十三夫故無子守  
節事親撫夫弟子爲嗣

何發榮妻王氏居賺賸村年二十八夫亡守節子

林梓尊妻全氏居官芎村年二十八夫亡守節子  
一氏卒年九十一

庠生劉瑜妻梁氏居深田村年二十八夫故家貧  
守節事姑鞠子

王定爵妻馮氏居榜山村年二十五夫故立志孀  
居事舅姑惟謹子一

林應潼妻蔡氏居敦文村年二十八夫亡勵志嫠  
守子鍾毓廩生

授職千總鄭而鑣妾陳氏居平石村年三十而鑣

遂溪縣志

卷之九

貞節

三

故事嫡惟謹不數年嫡故嫡所遺一子與氏子二  
婚娶皆其經理訓督不輟嫡子家蘭監生氏子其  
組授職縣主簿瑞雲廩貢生歷任儒學氏卒年七  
十二

葉振榜妻岑氏居文理村年二十四夫故矢志守  
節子一

殷萬興妻賴氏居殷屋村年二十二萬興溺死沿  
江號泣尋屍殯之守節撫孤

陳燕妻葉氏居陳村年二十四夫故守節鞠子

陳經業妻梁氏居北月村年二十四夫故守義撫

孤

梁思義妻劉氏居調塾村年二十六夫故勵志守節子瑄雙月從九

郭之燦妻黃氏居西洋村年二十夫故遺腹一子封髮自守

陳張挺妻王氏居官湖村年二十五夫亡守節

廩生梁元墨妻黃氏居調塾村年二十九夫亡清操自守無子撫夫兄子龍川訓導玳爲嗣

周有敬妻廖氏居周家村年二十六夫亡嫠守無子

遂溪縣志

卷之九

貞節

五

孫世平妻李氏居臨海村年二十七夫故家貧守節一子文瀾娶妻生子而文瀾又亡氏苦節撫孫鄭士元妻黃氏居平石村年二十八夫亡守節無子撫夫姪爲嗣

黃居璽妻陳氏居家埠村年二十五夫故家貧守節侍養舅姑子一卒年八十四

李得彬妻陳氏居白沙村年二十夫故冰操自守善事舅姑子一

授職布經洪德潤妻周氏居蘆山村年二十八夫故勵志孀居無子撫夫兄子爲嗣

王繼盛妻陳氏居博敬村年二十八夫故遺一子  
守節撫育卒年六十一

黃坤文妻林氏居邁龍村年二十夫故一子孀居  
玉潔

陳皇挺妻王氏居官湖村年二十四夫故封髮自  
守

黃調四妻陳氏居邁龍村年二十四夫故守節一  
子

蘇鷗棲妻陳氏居高田村年二十五夫故矢志孀  
居食貧鞠子

遂溪縣志

卷之九

貞節

美

歐德緒妻蘇氏居赤水村年二十六夫故守節子  
一

周聖謨妻蔡氏居王村年二十五夫故家貧守節  
子一

梁士拔妻陳氏居調塾村年二十四夫故守節食  
貧事姑惟謹子一

職員何恢洽妻王氏居調白村年二十五夫亡守  
節子一

生員梁熹妻周氏居調塾村年二十四夫故家貧  
無子矢志嫠守撫夫兄子為嗣卒年六十八

生員周翰謨妻陳氏居官田村年二十八夫故家  
貧守節子一

黃文譽妻許氏居太回村年二十一夫故長子在  
抱次子遺腹家貧守節慎事翁姑

伍桂珩妻李氏居鳳嶺村年二十八夫故矢志孀  
居一子魁超監生孫鎮東娶陳氏年二十八鎮東  
故守節事翁姑子一李卒年五十二陳

周澤濟妻梁氏居墩蓬村年二十四夫故子一冰  
操自凜事親撫孤

周成興妻李氏居周家村年二十五夫故子一決

遂溪縣志

卷之九

貞節

三

志孀守育子成人

周有容妻陳氏居周家村歲貢陳洪球胞姪年二  
十容故一子克守清操自全終始

周光大妻蕭氏居后坑村年二十八夫亡遺一子  
堅貞自矢

周成憲妻鄧氏居周家村年二十八夫故一子貞  
操久勵



敕贈儒林郎洪維屏妻周氏居潭畔村年二十四夫故孀守撫子良玉拔例州同嘉慶二十三年旌表卒年七十

廩生陳睦晉繼妻彭氏居陳村年二十八夫故孀守撫前妻子縣丞範已子候補刑部司獄箴成立氏卒年五十八嘉慶二十四年旌表

彭克順妻林氏居湖邊村年二十二夫故孀守以夫兄子監生王章爲嗣道光四年旌表坊建舖仔墟東南路上卒年六十七

洪有本妻程氏 勲封八品孺人年二十五夫

遂溪縣志

卷之九

貞節

三

故守節以姪岸生汝潤爲嗣道光四年旌表卒年六十二坊暨庫竹渡頭

周廷睿妻陳氏居那仙村年二十八夫故守節事姑殷勤訓子道光五年旌表現年七十七

伍魁第妻吳氏居華封新村歲貢吳世受次女年二十九夫故守節撫二子成立子故撫孫尙勲道光十四年旌表現年七十

梁勸妻洪氏職員洪德星女舉人洸國長媳居縣北門外年二十四夫故無子越五載始得夫弟之子增生禺山爲嗣矢志守節恪事舅姑卒年四十

道光十七年旌表坊建在北門嶺

勲贈修職郎金子燕妻洪氏居邁合村年二十一夫故

孀守孝事翁姑姪作矩援例按知事 勲封八

昂孺人道光二十四年旌表建坊卒年五十七

勲贈登仕郎周鳳儀妻戴氏居地靈村年二十二夫故

孀守撫子職員學經成立旌表坊在庫竹渡北

庠生陳符觀妻曾氏居雙村年二十七夫故孀守

善事翁姑撫夫弟之子庠生拾青爲嗣旌表節義

全貞卒年七十三

謝科一妻莊氏居榜山村年二十五夫故守節事

遂溪縣志

卷之九

貞節

三

姑撫族姪爲嗣道光二十七年旌表

周鳳鳴妻李氏居縣北門外年十九鳴故遺腹生

一子附生成琳李氏孀居守節事老翁鞠孤子成

琳三十餘歲身故又撫堂孫以繼琳現年六十三

道光十九年旌表坊建東華山左鳳鳴胞弟周鳳

隆妻徐氏年十七于歸隆時抱疾延次年身故徐

氏清操自矢侍奉老翁抱夫堂弟子爲嗣娶媳甫

生一孫繼子病癲狂外去不知所終氏處境極困

勵志甚貞現年六十與李氏娣姒一門雙節鄉隣

稱之

梁瑜妻洪氏居調塾村教諭紹繳三女年二十二夫故無子撫夫弟訓導玳之長子按察司照磨邦榮爲嗣守節事姑始終不渝娶媳陳氏年二十九邦榮又故姑媳同心撫育二孫星聯星南皆列邑庠道光二十二年洪氏旌表卒年六十八陳氏現年五十四

例貢生宋紹震妻黃氏居楊青村年二十七夫故矢志孀守始終不渝撫二子成立長廷衛郡庠生援例千總次廷彌監生孫虎支職員氏卒年七十

遂溪縣志

卷之九

貞節

三

陳成家妻莊氏居調東村監生給求之女年二十三夫故守節事姑撫子成立卒年五十七

葉大士妻莊氏居調東村年二十四夫故守節撫子成立卒年四十

梁燕慕妻吳氏居德老村年二十一夫故守節撫子成立卒年七十五

莊世祧妻沈氏居東山村年二十八夫故守節事姑撫二子成立卒年六十七

余王掖妻陳氏居奄裡村年三十夫故守節撫二子成立卒年五十三

羅錦章妻楊氏居調樓墩村年二十九夫故守節  
以夫堂弟巡政廳錦輝子建勳爲嗣卒年六十八  
梁光武妻符氏居塘溝新村年二十五夫故守節  
撫子成立卒年四十一  
麥彰文妻李氏居吳家村年二十五夫故守節撫  
夫兄之子爲嗣孝事翁姑卒年六十五  
麥廣淮妻黃氏居吳家村年二十九夫故守節事  
翁姑撫三子成立卒年八十八  
麥伯朝妻王氏居吳家村年二十八夫故守節撫  
子成立卒年五十八

遂溪縣志

卷之九

貞節

三

梁維榮妻張氏居郎活村年三十夫故守節事姑  
育子成立卒年六十三

周元欽妻林氏居士札村年二十九夫故孀守撫  
子成立卒年五十七

陳韶音妻謝氏居萬山村年二十一夫故孀守撫  
子成立善事翁姑卒年六十五

監生梁維綱妻繆氏居賓高村石城庠生繆自仁  
女年二十九夫故守節敬事老姑始終不渝撫二  
子成立長殿國次定國俱監生氏卒年六十二  
陳大基妻唐氏居萬山村年二十七夫故孀守撫

子成立卒年八十四

陳士儒妻張氏居溪北村年二十四夫故孀守撫子成立卒年六十

周廷天妻黃氏居古節村年二十八夫故孀守撫二子成立卒年七十

周鴻紀妻章氏居古節村年二十三夫故孀守卒年三十七

吏員梁大彰妻陳氏居葛穰村年二十九夫故孀守孝事翁姑撫子縣丞維邦成立孫郡庠國卿曾孫郡庠福祉氏卒年六十八

遂溪縣志

卷之九

貞節

三

鄭廣維妻楊氏居河頭仔村年二十六夫故孀守撫孤成立卒年六十八

監生李實苞妻陳氏居龍好村年二十五夫故守節善事翁姑撫子州同聯紹成立卒年七十五

吳子豪妻林氏居鹽灶村年二十七夫故孀守卒年六十八

陳元憲妻李氏居調東村年二十七夫故守節捐置嘗產撫二子成立卒年六十七

吳元備妻逢氏居龍騰村年二十四夫故守節撫子成立卒年七十三

吳魁張妻莊氏居龍水村年二十三夫故孀守撫  
三子成立卒年七十五

吳家烈妻莊氏居赤嶺村監生養心次女年二十  
五夫故孀守孝事翁姑撫三子成立卒年四十一  
彭國傳妻梁氏居舊縣村年三十夫故孀守撫子  
邑庠生中繩成立氏卒年五十五

彭英蓋妻林氏居湖光村監生林鳳迓次女年二  
十一夫故守節敬事翁姑撫子成立卒年七十一  
鄧璉璋妻歐氏居北坡墟年二十九夫故孀守撫  
三子成立卒年六十九

遂溪縣志

卷之九

貞節

三

陳永明妻招氏居山口村年二十八夫故孀守撫  
二子成立卒年六十一

周躋雲妻茅氏居土札村年二十四夫故孀守孝  
事舅姑撫子成立卒年六十八

周有生妻楊氏居土札村年三十夫故孀守撫子  
成立卒年七十

黃子鳳妻符氏居山口村年二十四夫故守節敬  
事翁姑撫二子成立卒年

陳周瑾妻李氏居埠頭村年二十四夫故守節孝  
事翁姑撫夫兄之子爲嗣卒年

鄧振琳妻李氏居岐山村年二十九夫故守節撫  
二子成立卒年七十九

彭元從妻周氏居邁泗村年二十六夫故守節撫  
二子成立卒年七十

彭廷顯妻吳氏居西塘村年二十五夫故孀守撫  
子成立卒年七十五

彭九淮妻陳氏居邁泗村海康詹事府主簿陳昌  
敬之女年二十六夫故孀守撫二子成立卒年五  
十

彭定憲妻全氏居邁泗萃野村增生全大進之女

遂溪縣志

卷之九

貞節

三

年二十四夫故孀守善事舅姑以夫三弟監生定  
球之子應斗爲嗣卒年四十八

曾斯俊妻陸氏居黃斗村二十三歲夫故守節善  
事翁姑撫子廷棟成立卒年六十五

鮑贈修職郎全子燾妻陳氏居邁合村年二十四夫故  
孀守卒年六十

全子珏妻陳氏居邁合村年二十五夫故孀守孝  
事翁姑撫子成立卒年五十八

全作桃妻陳氏居邁合村年二十三夫故孀守孝  
事翁姑卒年六十二

茅挺楨妻彭氏居橋西村年二十三夫故守節善  
事翁姑撫子成立卒年六十

陳正彰妻黃氏居浩發村年二十六夫故守節子  
一卒年五十

方元相妻鄭氏居福建村年二十二夫故守節善  
事翁姑撫子廷桂成立卒年七十二

楊光彩妻周氏居上龍村年二十八夫故守節撫  
三子成立長逢春次逢時俱列庠生氏卒年四十

三

李源岱妻麥氏居李屋村年二十四夫故守節撫

遂溪縣志

卷之九 貞節

三

二子成立長振蹊列監生氏卒年九十二

王肇天妻呂氏居南坑村年二十一夫故守節撫  
子成立卒年六十三

李開蘭妻陳氏居山內村年二十九夫故守節撫  
子監生大培成立卒年四十五

李大行妻林氏居山內村年二十九夫故守節撫  
子成立卒年五十四

歐德芬妻楊氏居調岸村年二十八夫故守節撫  
子成立卒年六十八

武生龐天階妻麥氏居水溝尾村年二十三夫故



守節撫子成立卒年五十六

梁大禮妻何氏居郎活村年二十九夫故守節撫三子成立長維光監生次維明武生三維寶監生氏卒年七十二

武生吳冠山妻陳氏居南柳村監生陳奇正女年二十九夫故孀守撫二子成立卒年六十七

吳振璣妻梁氏居澧頭坡村舉人梁安邦女年二十六夫故無子孀守卒年四十四

監生黃國忠妻唐氏居平衡村年二十四夫故孀守撫子增生煥章成立卒年八十四

遂溪縣志

卷之九

貞節

三

周正昌妻楊氏居王村年二十八夫故孀守撫二子成立卒年六十四

吳學清妻陳氏居南山村年二十五夫故守節撫子成立孫生員宗瑜宗瑁曾孫武生廷矩元孫武生紹聞氏卒年七十

唐泮波妻岑氏居吳村年二十九夫故孀守善事舅姑撫子成立卒年五十一

高成章妻吳氏居高山村年二十八夫故孀守孝事舅姑撫二子成立卒年六十八

謝炳照妻黃氏居榜山村年二十五夫故孀守敬

事舅姑撫二子成立卒年六十三

楊國平妻盧氏居分界村年二十八夫故孀守撫  
二子成立卒年六十二

陳奐妻黃氏居禮村年二十九夫故孀守撫夫堂  
弟之子爲嗣卒年七十五

楊廷榮妻許氏居分界村年二十六夫故孀守卒  
年四十一

林世俊妻劉氏居卜巢村年二十八夫故孀守善  
事翁姑撫二子成立卒年六十

黃紹憲妻李氏居蘇二村年二十七夫故孀守善

遂溪縣志

卷之九

貞節

七

事翁姑以夫兄次子監生文修爲嗣卒年七十二  
何紹猷妻李氏居通明村年二十三夫故孀守撫  
子成立卒年五十六

韓翼侯妻楊氏居韓官山村年二十三夫故孀守  
以夫兄次子爲嗣撫育成立卒年六十

高連峻妻洪氏居村年二十七夫故孀守撫  
子成立卒年五十六

洪汝威妻程氏居鰲頭嶺村監生程起麟女年二  
十三夫故孀守撫成立卒年四十三

賴文賽妻黃氏居村年二十九夫故孀守撫

孤成立卒年六十三

陳昌國妻林氏居南畝下村年二十二夫故無子

孀守姑老雙瞽奉養無懈卒年八十族中附主於

本村天妃廟

郡庠生程表章妻黃氏居調豐村年三十夫故無

子孀守卒年五十二

盧士章妻蘇氏居湖塘村年二十七夫故孀守撫

子成立卒年七十八

國學陳逢登妻周氏居仙鳳村年二十六夫故守

節無子以堂弟逢壽之子為嗣卒年八十二

遂溪縣志

卷之九

貞節

三

麥子賢妻楊氏居跳津村年二十八夫故守節撫

子成立卒年六十

蔡鴻順妻周氏居仙來中村年二十夫故守節撫

遺腹子成立卒年五十六

翟光廷妻許氏居后灘村年二十六夫故孀守善事

翁與繼姑撫其兒之子監生居岐為嗣卒年五十

七

許秉國妻陳氏居料村二十八歲夫故守節善事

翁姑撫子成立卒年四十四

許德淋妻黎氏居料村二十八歲夫故孀守撫夫

兄之子世森爲嗣卒年八十

蔡居周妻李氏居塘北村二十六歲夫故守節善事翁姑撫三子成立卒年八十六

州同許世臣妻黃氏居料村年二十七夫故孀守撫夫兄之子秉正爲嗣卒年八十三

陳德增妻李氏居求雨村年三十夫故守節撫二子成立卒年四十七

李文盛妻周氏居高梅坡村年二十五夫故守節撫二子成立卒年六十二

韋如珠妻沈氏居那柳村年二十五夫故守節善

遂溪縣志

卷之九

貞節

三

事翁姑撫子成立卒年五十五

廖序讓妻梁氏居下六村年三十夫故守節撫子雲達庠生世濟成立卒年七十六

廖序豐妻符氏居下六村年二十九夫故守節撫夫姪爲嗣卒年七十四

呂如演妻李氏居呂處村年二十四夫故孀守以夫弟之子爲嗣卒年六十八

王震瑄妻馮氏居黃畧村年二十六夫故守節撫子成立卒年六十二

鄒廷輝妻葉氏居河還村年二十七夫故守節撫

子附生德仁成立卒年六十五

宋延祿妻梁氏居楊青村年二十五夫故守節撫子成立卒年四十八

宋天成妻梁氏居楊青村年二十九夫故守節撫子監生世賓成立卒年六十五

黃子恕妻吳氏居邁龍村年二十五夫故矢志孀守善事翁姑撫夫兄次子監生菊香爲嗣卒年四十五

陳立業妻洪氏居茂良村年二十夫故守節撫遺腹子成立卒年五十

遂溪縣志

卷之九

貞節

罕

彭王卿妻盧氏居舊縣村年二十八夫故矢志孀守敬事翁姑撫子成立卒年四十三

彭正猷妻陳氏居雲脚村巡政廳陳大規之女年二十二夫故守節撫夫兄次子爲嗣卒年三十九甄廷相妻陳氏居埗响村年二十四夫故孀守敬事翁姑始終不懈撫子庠生世超成立卒年七十

五

鄧振超妻陳氏居麒麟井村年二十九夫故矢志孀守無子撫夫弟職員振玉之子爲嗣卒年五十五

彭全信妻周氏居舊縣村年二十九夫故守節撫孤成立卒年七十八

彭元璉妻李氏居湖邊村年二十六夫故矢志孀守撫子成立卒年五十八

彭本爵妻黃氏居麟趾村年三十夫故矢志孀守撫夫弟邑賓本實之子增生會海爲嗣卒年四十

六

彭克智妻傅氏居舊縣村年二十四夫故守節善事翁姑撫子王烈成立卒年七十二

梁汝楷妻周氏居調塾村年二十五夫故守節撫

遂溪縣志

卷之九

貞節

五

三子成立卒年四十八

許德色妻鄭氏居料村年二十六夫故孀守善事

翁姑撫子世選成立娶媳梁氏年二十八世選又

故姑媳同守撫一孫成立鄭卒年七十七梁卒年

七十四

楊國宜妻龐氏居分界村年二十八夫故守節事

姑撫子逢艷成立艷子秀異娶黎氏年二十四秀

異又故黎氏清操自守敬事祖姑及姑撫二子成

立長廷瑚次法程優廩生廕卒年七十三黎現年

五十三

楊逢壽妻胡氏居分界村年二十一夫故孀守撫  
子秀拔成立拔妻利氏年二十九拔亡利與姑同  
守撫二子成立胡卒年六十一利現年五十七  
周文元妻陳氏居古節村年二十九夫故孀守撫  
二子長鴻佐娶翟氏生二子佐卒時翟氏年二十  
九與姑孀守陳氏現年七十三翟氏現年五十三  
彭文中妾梁氏居譚體村年二十五夫故孀守撫  
子世南成立娶媳楊氏年二十一世南又故姑媳  
同守撫遺腹子大信成立梁現年七十七楊現年  
六十一

盧大觀妻唐氏居東岸村庠生良模次女年二十  
五夫故孀守敬事翁姑撫二子成立現年八十六  
謝光東妻陳氏居葛山村年二十七夫故守節孝  
事翁姑撫夫兄之子監生樹藩爲嗣現年八十一  
楊日綦妻戴氏居塘邊村年二十八夫故守節撫  
夫弟維颺次子爲嗣現年八十一  
沈國瓚妻王氏居西山村年二十四夫故孀守以  
夫弟之子爲嗣撫育成立現年八十  
庠生林鍾山妻李氏居蘆荻坑村年二十九夫故  
孀守撫夫姪爲嗣現年八十

陳鎮伍妻符氏居港頭村年二十九夫故妾林氏  
年十九生一子春魁監生二氏矢志守貞符現年  
八十九林現年七十九

陳元錫妻程氏居實榮村年二十二夫故孀守撫  
子成立現年七十七

吳廷政妻黎氏居灑頭坡村年二十八夫故孀守  
撫子成立現年七十六

陳作父妻梁氏居埠頭村年二十七夫故守節善  
事翁姑撫二子成立現年七十六

梁維英妻龐氏居郎活村年二十五夫故孀守事  
姑撫子成立現年七十五

陳爾康妻林氏年二十三夫故孀守撫育孤子現  
年七十五

廖序明妻陳氏居下六村年二十八夫故守節撫  
子監生雲鳳成立現年七十五

謝世正妻李氏居福建村年二十三夫故孀守撫  
子日春成立現年七十三

陳爾謨妻黃氏居村年二十七夫故守節撫  
子成立現年七十三

唐泮水妻周氏居吳村年二十八夫故孀守善事



舅姑撫子成立現年七十三

宋熙文妻林氏居楊青村年二十八夫故孀守撫子監生名臣成立現年七十二

梁國寅妻林氏居甘林村年二十四夫故孀守現年七十一

李長春妻黃氏居岸基村年二十二夫故守節撫子成立現年七十一

袁景武妻黃氏居三合村年二十五夫故孀守撫夫兄之子爲嗣現年七十一

鄧子有妻周氏居通明村年二十六夫故孀守以

遂溪縣志

卷之九

貞節

雷

夫弟之子爲嗣撫育成立現年七十二

周成文妻陳氏居官田村年二十三夫故孀守撫子成立現年七十

彭世受妻周氏居邁泗村年二十七夫故守節奉養舅姑撫子成立現年七十

陳洪吉妻方氏居暢侃村年二十九夫故孀守撫夫兄之子步琚爲嗣現年七十

許世魁妻陳氏居料村二十二歲夫故孀守撫夫兄之子秉蒲爲嗣現年七十

陳永興妻李氏居湖邊村年二十九夫故孀守撫

夫弟之子爲嗣現年七十六

鄭廣饒妻張氏居河頭仔村年二十九夫故孀守  
擇子承繼現年六十九

楊世拔妻王氏居郡城北關外厦廣村年二十六  
夫故孀守撫孫子春元成立列郡庠生氏現年六  
十九

伍魁甲妻黃氏居扶龍新村年十九夫故孀守敬  
事翁姑撫子監生鎮崧成立氏現年六十八

鍾振堂妻戴氏居荳村年二十二夫故苦志孀守  
撫二子成立現年六十八

葉如葆妻莊氏居后田村庠生龍文之女年二十  
七夫故孀守善事翁姑以房姪二人爲嗣現年六  
十七

生員陳鍾璿妻林氏居批月村年二十八夫故守  
節撫夫弟職員鍾珮長子爲嗣現年六十七

李長基妻吳氏居龍好村年二十八夫故孀守撫  
一子成立現年六十七

周子寬妻許氏居士札村年二十九夫故孀守撫  
二子成立現年六十七

陳尚良妻楊氏居吾良村年二十六夫故守節善

事翁姑撫子成立現年六十七

鄭士斐妻何氏居坡仔村年二十四夫故守節善事翁姑撫子光文成立現年六十七

戴孔珍妻黃氏居包金村二十四歲夫故孀守善事翁姑撫子成立現年六十七

陳良憲妻羅氏居埠頭村年二十五夫故守節孝事翁姑撫子成立現年六十七

黃之誠妻程氏居家埠村年二十二夫故守節事姑撫子鎔成立孫在中列庠生氏現年六十七

沈振四妻謝氏居西山村年二十二夫故孀守撫

子成立現年六十六

梁作綱妻林氏居調塾村年二十八夫故孀守撫子成立現年六十六

陳經夔妻林氏居北月村年二十九夫故孀守事姑撫子成立現年六十六

余用中妻王氏居奄裏村年二十四夫故孀守撫一子又故氏現年六十六

蔡世廣妻呂氏居塘北村年二十八夫故守節孝順祖母撫子成立現年六十六

楊本長妻陳氏居塘邊村年二十六夫故守節撫

二子成立現年六十六

監生周廷縉妾陳氏居那仙村年二十八夫故孀守事嫡教子現年六十五

拔貢梁擎妻林氏居安舖仔村武生廷選之女年二十九夫在京故氏孀守撫二子成立現年六十

四

庠生陳鼎妻唐氏居嶺頭村年二十八夫故孀守撫子成立現年六十

陳嘉誨妻蔡氏居仙鳳村年二十二夫故守節儉積成家撫二子成立現年六十四

遂溪縣志

卷之九

貞節

七

梁子纘妻陳氏年二十八夫故守節敬事翁姑撫子成立現年六十四

林世廣妻楊氏居軍園村年二十六夫故守節撫子成立現年六十四

王汝爵妻吳氏居博敬村二十四歲夫故守節善事翁姑撫二子成立現年六十四

梁朝輔妻吳氏居龍潮村年二十六夫故孀守撫子成立現年六十三

鄭才相妻萬氏居河頭仔村年二十七夫故孀守擇子承繼現年六十三

陳志穎妻洪氏居茂良村年二十八夫故孀守撫子成立現年六十三

陳魁五妻梁氏居郡城內年十八夫故孀守善事舅姑撫遺腹子成立現年六十三

唐蟾光妻鄧氏居龍浮村年二十九夫故守節恪事舅姑撫子成立現年六十三

蘇日恒妻盧氏居邦畿塘村年二十一夫故守節撫子成立現年六十三

蔡鴻泮妻李氏居仙來北村年三十夫故無子堅節自持現年六十三

遂溪縣志

卷之九

貞節

哭

陳士俊妻許氏居湖塘村年三十夫故孀守撫子成立現年六十二

鄭士齊妻黃氏居后田坡仔村年二十二夫故孀守撫堂姪光國爲嗣現年六十二

陳志珣妻黃氏居茂良村年二十六夫故孀守撫育二子成立長巨鑾次巨川列庠生現年六十二

吳光哲妻廖氏居沈家村年二十九夫故守節撫夫姪爲嗣現年六十二

歐鴻經妻陳氏居泉水村年二十九夫故孀守撫子成立現年六十二

黃維中妻林氏居田下村年二十九夫故孀守撫  
二子成立現年六十一

唐恩賜妻陳氏居山厚村年二十七夫故守節善  
事寡姑兼撫子姪成立現年六十一

鄭廣榮妻陳氏居河頭仔村年二十四夫故孀守  
撫一子成立現年六十一

鄭士禮妻洪氏居平石村年二十六夫故孀守撫  
三子成立現年六十一

利振綱妻李氏居關塘村監生李拔之女年二十  
八夫故孀守撫二子成立現年六十一

遂溪縣志

卷之九

貞節

完

黎元謨妻黃氏居陳鐵村年二十八夫故孀守撫  
二子成立奉養翁姑現年六十一

黃中文妻許氏居蘇二村年二十五夫故孀守善  
事翁姑撫一子成立子亡媳歿節操益堅現年六  
十一

武生彭克惠妻宋氏居湖邊村年三十夫故守節  
善事翁姑撫子成立現年六十一

林正富妻戴氏居墩臺村年三十夫故孀守撫子  
成立現年六十一

蘇世武妻洪氏居邦畿塘村年二十二夫故守節

撫子監生口錦成立現年六十一

王震林妻劉氏居黃畧村年二十六夫故守節撫子郡庠文潤成立現年六十一

梁鏐妻周氏居調塾村年二十四夫故矢志孀守撫子軒慶成立現年六十一

梁國樞妻蘇氏居郎活村年二十八夫故孀守撫子成立現年六十

楊如瓚妻趙氏居文車村年二十六夫故孀守撫子成立現年六十

林士著妻陳氏居邁初仔村年二十七夫故孀守

遂溪縣志

卷之九

貞節

五

撫子成立現年六十

黃文瑞妻陳氏居蘇二村年二十九夫故孀守撫夫弟子爲嗣善事耄姑現年六十

黃中行妻梁氏居蘇二村年二十七夫故孀守善事翁姑撫二子成立現年六十

林日新妻龐氏居蘇李綠村年二十五夫故守節孝事翁姑撫一子成立現年六十

陳良策妻周氏居埠頭村年二十二夫故守節孝事翁姑撫子成立現年六十

陳廷植妻胡氏居博敬村年二十八夫故孀守善

事翁姑撫子成立現年六十

李子煌妻蘇氏居高梅坡村年二十夫故守節善事翁姑撫子成立現年六十

程德盛妻陳氏居調豐村年三十夫故守節撫子成立現年六十

林汝弼妻陳氏居北邊村年三十夫故無子孀守現年六十

廖雲師妻雷氏居下六村年二十四夫故守節撫子成立現年六十

周錫爵妻彭氏居官田村年二十八夫故守節孝

遂溪縣志

卷之九

貞節

五

事翁姑撫夫弟監生錫疇長子爲嗣氏現年六十  
宋延馨妻茅氏居楊青村年二十四夫故守節撫子成立現年六十

沈光祖妻謝氏居和家東村年二十九夫故孀守善事舅姑撫三子成立現年五十九

楊如琮妻張氏居文車村年二十四夫故孀守撫子成立現年五十九

蔡錫東妻王氏居通明村年二十四夫故孀守撫子成立現年五十九

林正選妻易氏居墩臺村年二十九夫故孀守撫



三子成立現年五十九

黃子芳妻吳氏居北灶村附貢生吳騰霄女年二十六夫故守節孝事翁姑撫二子成立現年五十九

謝家仁妻周氏居田頭村年二十二夫故守節撫子成立現年五十九

朱世賢妻甘氏居田西村年二十八夫故守節孝事翁姑現年五十九

楊光楷妻陳氏居深泥村年二十二夫故孀守撫一子稍長又卒撫夫弟之子爲嗣現年五十九

遂溪縣志

卷之九

貞節

三

楊如珩妻潘氏居文車村年二十三夫故孀守現年五十八

庠生呂震東妻陳氏居呂處村年二十九夫故守節撫二子成立現年五十八

洪德泮妻唐氏居太回村二十二歲夫故守節善事翁姑撫子成立現年五十八

陳樹垣妻梁氏居陳家村援例縣丞維邦室女年二十五夫故孀守撫子國璧成立現年五十八

王纘科妻彭氏居臨海田坎村年二十二夫故守節敬事老姑撫子成立現年五十七

監生洪良源妻符氏居潭畔村年二十九夫故孀  
守善事翁姑撫三子成立長振江例授巡檢現年  
五十七

莊德成妻吳氏居東山村年二十四夫故孀守撫  
子成立現年五十六

梁作佩妻林氏居調塾村年二十六夫故孀守現  
年五十六

楊如琪妻陳氏居交車村年二十二夫故孀守善  
事翁姑現年五十六

梁琬妻陳氏居調塾村監生陳洪泰女年十九夫

故守節撫夫兄次子爲嗣善事翁姑現年五十六  
茅挺亨妻李氏居橋西村年二十五夫故孀守善  
事翁姑撫夫弟之子爲嗣現年五十六

戴毓珍妻林氏居莊家村年二十五夫故孀守撫  
夫弟附生戴元之子爲嗣現年五十六

朱乾昌妻沈氏居昌梓村年二十五夫故守節撫  
子成立現年五十四

彭家棟妻林氏居湖光村監生光第之女年二十  
五夫故孀守撫子成立現年五十三

梁日敏妻許氏居寶滿村年二十二夫故孀守撫

子成立現年五十二

朱文彩妻林氏居水端到村年三十夫故守節無子現年五十二

周學蛟妻林氏居王村年二十三夫故無子矢志守節始終不渝現年五十一

何世靜妻沈氏居莽叢村年二十二夫故孀守撫子成立現年五十五

陳德明妻李氏居洪家村登仕郎李至茂之女年二十七夫故家貧守節孝事翁姑撫子成立卒年五十七

遂溪縣志

卷之九

貞節

五

陳秉鐸妻楊氏居文章村年二十八夫故家貧苦志婺守撫子成立現年五十六

吳廷札妻陳氏居南柳村年二十五夫故家貧孀守撫二子成立現年五十七

增生周 昌妻莫氏居椰年二十六夫故孀守撫子監生志祖成立道光間旌表卒年六十五

庠生周 斌妻陳氏居那年二十八夫故孀守撫弟子為嗣道光間旌表卒年五十八

貞烈

林茂萊妻周氏家貧採海汛兵鄧咏貴賄老嫗誘氏至密室中強污之氏羞忿歸與夫訣投繯而死其夫控於官知縣章廷樺捕咏貴置於重典嘉慶九年旌表

李永生妻陳氏居上辰村年二十二乾隆十三年土豪章某以事至其家賄其近婢俟氏浴時入室強污之氏不從呼救章懼而逸氏羞忿自盡知府黃錚廉其實置章於法黃陞去其事寢

黃大智妻陳氏居海沙村年二十五無子嘉慶七

遂溪縣志

卷之九

貞烈

五

年大智舉家被海盜擄去旣上盜艘氏厲聲罵欲奮身赴海盜拽止之俟賊防之稍疎遂投海而死生員李鳳岐妻林氏居龍好村年二十四嘉慶十年海寇掠其鄉欲擄氏以行氏厲罵拒賊據地不行賊刃之

彭王安聘妻陳氏陳元鰲女年十九聞王安病亡卽被髮奔喪殯葬事畢執婦禮惟謹朝夕哭奠以哀毀而卒居后排村

以上府志

生員彭元球妾劉氏居湖邊村二十二歲球將終時命氏改適球卒氏視歛畢卽時伏棺殉死

陳廷杰妻容氏年二十夫故斂畢容氏卽死以殉  
彭世敏聘妻何氏居安樂村彭先具禮定婚後父  
母誤聽匪人言又受王姓賄匪以探親誑何氏至  
王家將合卺何氏知之憤甚自縊而亡

